

Dieggvangq Gouj Nyied Gouj

□ Vangz Ciuhgiz /黄秋琪

Youq henz Dahyougyangh, miz aen dieggvangq hung ndeu heuh guh Gvangjsih Yougyangh Gvangvugiz, neix couh dwg giz dieg guhhong ciuhvunz gou.

Gizneix liz yienhsingz gyaе, mbouj nauhyied lumj yienhsingz, hoeng giyez dou miz aen conzdungj ndei ndeu, couh dwg moix daengz gouj nyied gouj, duiyouh dangjcihbu couh cujciz fatdoengh gyoengq vunz lai, yunghsim couzbanh aen ciet neix, hawj bouxgeq ndaw gvangq doxcomz youq giz ndeu, angqyangz gvaq gouj nyied gouj.

Ngoenzhaenx, gyoengq vunz lai caezsim okrenz okcienz guh saeh ndei. Banhaet, gyoengqde mizmbangj ceh haeuxcid guh haeuxnaengj haj saek; mizmbangj gaj gaeq gaj bit; mizmbangj guh byaek cawj gwn; mizmbangj swiq vanj swiq byaek baij daiz, bouxboux nyaengqngwt, mbouj

miz bouxlawz ienq saek coenz.

Gyoengq bouxgeq homh naengh gyang congз guhdoi h gangjgoj. Banringz, gij byaek ndatfoedfoed homfwdfwd couh baij hwnj daiz lo, Daihgya cingj bouxgeq roengz congз caemhdoi h gwn caeuz, bouxboux dawz cenj laeuj hwnj, mwngz gingq gou ndangcangq bingzan, gou gingq mwngz saehsaeh hab’ ei q, vah hohfuk gangj mbouj dingz, bouxboux naj riu lumj va hai.

Gwn caeuz sat le, yietnaiq yaep he, bouxgeq、lwgnye z、bouxcoz couh hainduj hwnj daiz doxlwnz ciengq go diuq foux.

Gyoengq bouxgeq youq lajdaiz yawj dwk lwgda mbouj rox yaep bae, yaepciuq bekfwnz gyuklala, yaepciuq sing riu gokhaha, yaepciuq sing daemq gaen ciengqgo. Saekseiz lij miz bouxcoz hwnj daiz loengh duzlungz loengh duzsae, nauhyied vuenheij

lumj gvaqcieng nei.

Boux canghsijfap ndeu youq henz daizheiq baij daiz baij ceij sij saw hawj vunz lai, byaibit de raeuz lumj raemx lae, yaep lumj duzngwz byaij, yaep lumj duzlungz mbin, cihcih ndei yawj, gyoengq bouxgeq bouxboux maij aeu gij saw de.

Gwn ndei youz ndei, youh miz sijfap soengq, gyoengq bouxgeq gamjdoengh dangqmaz. bouxboux haenh aen gvangq ceiq miz sim, gyaеzhoh bouxgeq lumj bohme h caen nei.

Gyoengqvunz baihrog cungj geizheih, bi 2016 giz dou haujlai aen dieggvangq deng gven, gaenq haujlai bi mbouj miz maz souhaeuj lo, vihmaz aen gvangq dou lij naeksim couz cienz bibi hawj bouxgeq gvaq gouj nyied gouj ne? Gizsaed, neix dwg gij conzdungj ndaw gvangq, hix dwg aenvih vunz ndaw gvangq gyaеzhoh bouxgeq. Vih hawj bouxgeq ndaw

gvangq gvaq ndei gouj nyied gouj, duiyouh dangjcihbu suhgi Laujcau guhdaeuz gien cienz, lij iu giyez bangxhenz camgya hozdung, giyez lauxbanj bouxboux cungj gamjdoengh, gag gien cienz, lij miz haujlai bouxcoz youq baihrog dajgoeng mbouj ndaej ma ranz haenx, hix foenfoen geiq cienz dauq. Couh yienghneix, mwngz ok ngaenz gou ok rengz, bibi hawj bouxgeq angqyangz gvaq ndei gouj nyied gouj.

“Dahyougyangh raez youh gvangq, mbouj beij cingzngaih dangj raeuz naek. Gingqhoh bouxgeq vunz doxhuz, saedcej baenaj angqvauvau.” Bi daengz gouj nyied gouj, bouxgeq ndaw gvangq cungj angq dwk eu fwen. Aen ciet neix, doiq bouxgeq gizwnq daeuj gangj, mbouj miz maz citgeiz, hoeng doiq bouxgeq ndaw gvangq daeuj gangj, caen dwg daegbied vuenheij, daegbied raeujrub.

Simnyienh

□ Veiz Couyiz /韦绉怡

Bihaenx haemhndaep, Lij Gen youq ranz nyaengq dajcawj, Siujyen caegcaeg gwih danci okbae lo, de cawj byaek ngaiz ndei liux, mbouj raen dahlwg youq ndaw rug, dwk geij baez denva hawj dahlwg, hix mbouj miz vunz cie p.

Cawj haeux byaek baenz le, de hix mbouj miz simcingz gwn saek gaemz, de siengj dahlwg bae gizlawz ne? Banringzgvaq, Lij Gen cie p daengz aen denva ndeu, dwg boux vunzsai najseng ndeu dwk daeuj, heuh de vaiq di bae yihyen ndaw si, de baenzlawz hix siengj mbouj daengz, dahlwg sw hgeij oksaeh lo.

Bouxsai cungnienz ndeu yiengq de byaij gvaqdaeuj, gaem fwngz Lij Gen, saenzdwdwd naeuz: “Dahcej doiq mbouj hwnj, doiq mbouj hwnj.” Gangj liux couh youq gwnz namh saxbaiq mbouj dingz, aen gyaеuj caeuq dibanj bungq dwk yiengj “boengboeng”. Lij Gen mazmwnh dangq yawj mbouj raen. De sim’ in dwk laep da, ndaw sim miz cungj cungdoengh ndeu, siengj baenzlawz sik ndaek bouxsai dangqnaj neix baenz meng soi q bae.

Yaep ndeu, bouxsai cungnienz neix deng gyauhgingj gaemh bae lo. De heuh Liuz Singh, haetromh youq ranz bohda gwn haujlai laeuj, de lai hnaeuz haemhndaep mbouj miz gyauhgingj, couh hai ci bae ranz caeuq vunz ndaw ranz doxcomz. Doeklaeng, youq giz vangok ci de daemj laemx Siujyen. Gyaеuj Siujyen, gwnz ndang lae lwed. Seizneix de cij rox ok daihsaeh lo!

Lij Gen moengzloengz mangxlangx daeuj daengz naj

congзbingh, fwngz lumhlumh dahlwg. Siujyen gaenq mbouj doengh saek di, De lumj saihoz yaek goenq dwk hemq naeuz: “Siujyen! Siujyen!” De baihnaj laepcupcup, aen gyaеuj ndaem laemx youq naj congзbingh……

Haet cieng coit, Lij Gen ndiu lo, de ninz youq gwnz congз, lwgda cimyawj dingjranz, coenz vah ndeu hix mbouj gangj, de lumj seihaiz nei, saeknaj caemrwgrw! De mbouj mingzbe g dahsau sw hgeij gig roxsoq neix, vihmaz haemhndaep gag naengh danci okbae? Vih gijmaz? De siengj mbouj doeng.

Dahlwg deng cuengq youq ndaw “ranzboux dai” yihyen, gyoengq caencik bang de bae banh saehlaeng.

De gaenq roengz congз mbouj ndaej lo, haujlai caencik baengzyoux daeuj yawj de, daj Lij Gen doengh gij lwgda byouqgyoeng haenx, daihgya roxyiuj sim de deng mbon gyoeng lo.

Ndwencieng ndawde dauqcawq dwg gij heiq cieng, gwnz gai hung hainduj nauh daeng’ va, byaij caencik baengzyoux, hai aek gvangq gwn, Lij Gen youq ndaw yihyen baez yw couh dwg ndwen lai.

De cungj yawjraen gij ngaеuz Siujyen youq dangqnaj bibuengq, mizseiz youq baihnaj aengingq roi byoemgyaеuj raez ndaemndatndat de, mizseiz youq laj daengdaiz sij saw.

“Daxmeh, mwngz raen gou sau lwi? ” Siujyen roi gyaеuj liux cungj cienq ndang gvaqdaeuj cam de, de cungj dwg huk dwk naeuz: “Sau…… Sau…… Bouxlawz cungj beij mbouj ndaej lwg gou.”

Lij Gen rox gij vah bonjfaenh gig mbouj miz saenzheiq, de ndatheiq

sw hgeij mbouj doeg saw, mboujne aeu gangj geij coenz vah ndei daeuj haenh dahlwg, hawj dahsau daekci q baez ndeu couh ndei lai lo!

Yaepda seizcin daeuj daengz le, raeujrubrub lo, va hix hai, Lij Gen ok yihyen, dauq daengz ndaw ranz, cungj mbouj miz saek di vuenheij.

Miz ngoenz ndeu, boux gyauhgingj daeuj daengz ndaw ranz de, soengq daeuj geu bu h hoengz oi q ndeu. Lwnh de naeuz: “Ngoenzhaenx dou bae giz ci doxdaemj, dahlwg mwngz dawz geu bu h neix gaem ndaet youq ndaw rungj, seizhaenx de lij singisak, heuh gou itdingh gyau geu bu h neix hawj mwngz.”

Lij Gen song fwngz gaem dawz geu bu h, de menhmenh siengj daengz, ndwenlab caeuq Siujyen bae youz hawciengz, de sawq gvaq geu bu h neix, Siujyen hix heuh de cawx geu bu h neix.

De sij mbouj ndaej cawx, doeklaeng duet geu bu h neix roengzdaeuj, boux mehmbwk gai buhvaq itci q naeuz de daenj geu bu h neix hab ndang youh ndei yawj.

“Daxmeh, gou siengj cangndang mwngz ndaej hab seizhwng, mwngz maj ndaej baenzlai gyaеunde i! Couh dwg mbouj gyaеz cangndang sw hgeij, mbouj rox baenzlawz daenj bu h cij gyaеu.”

Ndaw uk Lij Gen hoplangh gij vah Siujyen. “Daxmeh, gou roxnyinh mwngz daenj saek hoengzoiq ndei yawj, dak ok gwnz naj mwngz miz rongh.” Siujyen ngeix gvaq gyaеuj, yawj naj de riu dwk naeuz.

“Meh gou ha!” Lij Gen dai h hemq sing ndeu, “dahlwg ha, dwg daxmeh hai h dai mwngz ha!” De hainduj yungh fwngz haenq moeb aen gyaеuj caeuq najaek bonjfaenh.

(2 sat)



▲ Cunghsanh Yen Gungh’ anh Cin bya daengjbyoengbyoeng lumj gyoengqvunz doxcomz gangigoi. Yenz Gwei haij ingj